



**AYUNTAMIENTO DE GAUTEGIZ - ARTEAGA
GAUTEGIZ - ARTEAGAKO UDALA**

C/ Herriko Enparantza, 1
48314 Gauegiz Arteaga
Tfno. y fax. 94.625.29.53

**EDUKI ETA BABESTEA ARAUTZEKO GAUTEGIZ ARTEAGAKO
ORDENANTZA**

ARRAZOIEN AZALPEN

Animaliak Babesteari buruzko urriaren 29ko 6/1993 Eusko Legebiltzarraren Legeak gutxieneko esparru juridikoa ezarri zuen, gizakien eta animalien elkarbizitza antolatzeko, osasungarritasun publikoarekin bat eginez, batik bat, horiek errespetatuz, defendatuz eta babestuz, interes orokorretara egindako egokitzapenarekin batera.

Lege hori argitaratu eta indarrean jarri denetik, gizartean animaliak edukitzeko hazkunde kuantitatibo nabaria gertatu da, eta, aldi berean, gizartean animalien eskubideei nahiz gizarte-eremu modernoan elkarbizitza egokia izateko behar duten esparruari begira dagoen kontzientzia modu kualitatiboan ere areagotu egin da.

Beste alde batetik, gaia arautzeko prozesu garrantzitsua garatu da eta horren adierazpen argiena, beharbada, Arriskutsuak izan daitezkeen Animaliak Edukitzeko Araubide Juridikoari buruzko abenduak 23ko 50/1999 Legea izan da. Izan ere, izaera horretako animalia zehatzak edukitzeagatik gizartean sortu den alarmaren aurrean, horiek edukitzeko araubide zorrotza ezarri da, aurretiazko lizentzia eskuratu nahiz edukitzearen inguruko baldintza zehatzak betetzeko nahitaezkotasuna barne.

Hasieran eta abenduaren 23ko 50/1999 Legearen lege-garapenik eza dela eta, hori behar bezala aplikatu ahal izateko, gure eremu autonomikoan Euskal Autonomia Erkidegoan Txakurrak edukitzea arautzen duen apirilaren 4ko 66/2000 Dekretua onesteko erabakia hartu zen. Dekretu horrek, beste gorabehera batzuen artean, animalia arriskutsuen kontzeptua definitu zuen, zenbait animalia edukitzearen aurrean aipatutako gizartean dagoen kezka dela medio. Hala ere, arau horren indarraldia eztabaidagarria izan zen martxoaren 22ko 287/2002 Errege Dekretuaren argitalpenarekin, abenduaren 23ko 50/1999

Legea garatzen duena. Hain zuzen ere, Lege horren aplikazio-eremua zehazki mugatzen du, neurri handi batean, oinarrizko izaerarekin.

Segurtasun juridikorik gabeko egoera hori gainditu eta arauketarako esparru egonkorra finkatu ahal izateko, Euskal Autonomia Erkidegoan Txakurrak Edukitzeari buruzko ekainaren 1eko 101/2004 Dekretua argitaratu da, zenbait berrikuntzekin, hala nola, aurreko arauketa bateratu du, beharrezkoa denean, Animaliak Babesteari buruzko urriaren 29ko 6/1993 Legean adierazitako testuingurua kontuan izanda.

Horrela, ordenantza honetan aipatutako prozesua bildu eta gaurkotzen du, bai eta animaliak eduki, babestu eta merkaturatzean eragina duten bestelako arauak ere, betiere, udal jarduketaren eremura egokituta. Horrenbestez, animaliak edukitzearekin eta gizarte moderno nahiz konplexuen esparruan gizakiekiko bizikidetasunaren fenomenoarekin zerikusia duten alderdien eta jarduketaeremu elkarlotuen konplexutasuna arautu, kontrolatu eta horietan esku hartzeko tresna baliagarria eta eraginkorra eskuratu nahi da.

I. TITULUA

XEDEA, APLIKAZIO-EREMUA ETA DEFINIZIOA

I. KAPITULUA

XEDEA ETA APLIKAZIO-EREMUA

1. artikulua.—Xedea

Ordenantza honen xedea Gauetgiz Arteagako udalerrian dauden animaliak babestu, eduki eta saltzeko arauak ezartzea da, udalerrian bertan erroldatuta edota erregistratuta dauden edo ez dauden kontuan izan gabe, eta jabeen edo edukitzaileen bizilekua edozein izanda ere, ingurumen-osasunerako eta pertsonen lasaitasun eta osasun eta horien zein ondasunen segurtasunerako egon daitezkeen arriskuak aintzat hartuta.

Horretarako, animaliek jaso beharreko gutxieneko arreta zehaztu da, tratu, garbitasun, zaintza, babes eta garraioari dagokienez. Horrez gain, establezimendu berezietan egoteari, horien osasun-laguntzari, merkaturatzeari eta salmentari buruzko arauak zehaztu dira.

Gisa berean, animalia arriskutsuak edukitzeko araubide juridikoa arautu da, lizentziaren, edukitzeko baldintza orokorren eta erregistro-araubidearen mende jarrita.

2. artikulua.—Salbuetsitakoak

Hona hemen ordenantza honetatik salbuetsita dauden alorrak eta, era berean, horien arauketa propioaren bidez erregulatuko direnak:

-Ehiza.

-Arrantza.

-Basoko animaliak euren ingurunean zaindu eta babestea.

-Zezen-ikuskizunak.

-Abeltzaintza, gizentzeko helburuarekin hartutako abelazkuntza, bestelako herri administrazio eskudunek kontrolatzen dutenean.

-Esperimentaziorako eta bestelako helburu zientifikoetarako erabilitako animaliak.

II. KAPITULUA

DEFINIZIOAK

3. artikulua.—Definizioak

Ordenantza honen ondorioetarako, etxeko animalia bizitzeko pertsona baten laguntza behar duena izango da.

Animalia etxekotua izango da, basoan aske jaio arren, pertsonen alboan egotera ohitu dena, eta, azkenean, bizitzeko pertsonen laguntza behar duena.

Gatibu dauden animalia basatiak izango dira, aske jaio arren, gatibu daudenak, etxekotzen irakatsi gabe.

Arriskutsuak izan daitezkeen animaliak dira basoko animaliak izan eta animalia etxekotu edo laguntzako animalia gisa erabili arren, horren oldarkortasuna kontuan izan gabe, euren espezieak edo arrazak direla-eta pertsonak edo beste animaliak hil edo zauritu ditzaketenak, bai eta bestelako kalteak eragiteko gai direnak ere.

Halaber, animalia arriskutsuak izango dira arauz zehaztutako animalia etxekotuak edo laguntzako animaliak, eta, bereziki, ekainaren 1eko 101/2004 Dekretuaren I. eta II.

eranskinetan zehaztutako txakurren espezieetakoak eta Dekretu horren 10.1.c) artikulua araberaren adierazitakoak.

Ustiapenerako animaliak dira, gizakien ingurunera egokituta egon arren, gizakiak irabazi-asmotarako erabiltzeko hazten dituenak, bai animaliak eurak, bai horiek sortutako ekoizpenak.

Edukitzeko baldintza berezien mende dauden txakurrak dira, horien inguruabar etologikoak direla eta, udal agintaritzak horiek edukitzeko baldintza berezien mende kokatzen dituenak.

Ordenantza honetan eta ekainaren 1eko 101/2004 Dekretuaren 10.1.c artikuluan eta I. eta II. eranskinean xedatutakoarekin bat etorriz, hauek dira txakur arriskutsu:

- Izaera nabarmen erasokorra agertzen dutenak edo inoiz pertsoneri edo beste animaliei eraso egin dietenak.

- Berezi, arraza hauetakoak edo gurutzatuak direnak:

- a) Pit bull terrier
- b) Staffordshire bull terrier.
- c) American Staffordshire Terrier.
- d) Rottweiler.
- e) Dogo argentinarra.
- f) Fila brasildarra.
- g) Tosa inu.
- h) Akitu inu

- Ezaugarri hauek guztiak edo gehienak dituztenak:

- a) Gihar indartsuak, itxura ahaltzua, sendoa, konfigurazio atletikoa, arintasuna, kemena eta erresistentzia.
- b) Izaera berezi eta ausardia handikoa.
- c) Ile laburra.

d) 60 eta 80 zentimetro arteko perimetro torazikoa; 50 eta 70 zentimetro arteko soinkurutzeko altuera eta 20 kilo baino gehiagoko pisua.

e) Buru handia, kuboidea eta indartsua; garezur zabala eta handia; masaila handi, gihartsu eta ponpatua. Masailezur handi eta indartsuak; aho indartsu, zabal eta sakona.

f) Lepo zabal gihartsu laburra.

g) Bular mardul zabal handi sakona, saihesten arkutuak eta bizkar gihartsu laburra.

h) Aurreko hankak paraleloak, zuzenak eta ahaltzuak, eta atzekoak oso gihartsuak, nahiko luzeak, angelu ez oso zorrotzean eratuak.

II. TITULUA

ANIMALIAK EDUKITZEKO ARAUBIDE JURIDIKOA

I. KAPITULUA

ARAU OROKORRAK

4. artikulua.—Betekizunak

1. Animalia-aren edukitzaileak garbitasun- eta osasun-baldintza egokiak eskaini behar dizkio, eta instalazio egokietan gorde behar du; gainera, janaria eta edaria emango dizkio. Orobat, albaitariarengana eraman beharko du, ariketa fisikoa egiteko aukera eskainiko dio, eta animalia-aren espeziearen edo arrazaren beharrezko fisiologiko eta etologikoen arabera zainduko du.

2. Bereziki, animaliak zaintzeko gutxienezko baldintza hauek ezarri dira:

a) Edateko ura eta behar besteko janari orekatua ematea, elikadura eta osasun maila onak izateko.

b) Esparru, aireztapen, hezetasun, tenperatura, argi eta babes egokiak izatea, horien sufrimendua saihesteko eta bizitzeko beharrezkoak nahiz ongizatea asebetetzeko.

c) Bizitokiak garbi, desinfektatuta eta intsektuak kenduta izatea, aldizka gorotzak nahiz txiza kenduz.

d) Ibilgailuak ez dira ohiko bizilekuak izango

e) Animaliak ibilgailu partikularretan garraiatzeko behar besteko esparrua egon behar da, aire zabaletik nahiz gorabehera klimatiko gogorretatik babesteko, eta gidariaren arreta eta trafiko-segurtasuna eragotzi ez dezan edo ikuspegi etologiko nahiz fisiologikotik baldintza desegokiak sor ez daitezzen. Edonola ere, Europako Erkidegoaren araudia eta horretarako aplikatu daitezkeen nazioarteko itunetatik eratorritakoa beteko dira.

f) Aparkatutako ibilgailuen barruan animaliak badaude, ezinezkoa izango da ibilgailu horiek lau ordu baino gehiago aparkatuta egotea, eta, udan, ibilgailuak itzalean kokatu beharko dira, une oro aireztapena errazteko helburuarekin.

g) Ezin du abandonatu, ez tratu txarririk eman, ez torturatu, ez kaltea edo sufrimendua sorrarazi ahal dion ezer egin, ez mutilatu, albitari batek egin ezean edo duten arrazarako itxura egokia ematekoak izan ezean. Ezin da hiru egun baino gehiago bakarrik utzi etxean pertsona baimenduren baten kontrolik gabe.

h) Animalia solte badago lorategi, orube eta itxitako bestelako esparru batean, hurbiltzen diren igaroleei kalterik ez egiteko neurriak ezarri behar ditu, batez ere hesia, eta animalia berri ematen duen oharra jarri behar du.

i) Animalien jabeek ezarritako parametro akustikoak ez gainditzea bermatu behar dute.

3. Animalia baten jabearen edo edukizaillearen ustez animaliak gaixotasun kutsakorra badu, albitariari horren berri emango zaio. Horrela, albitariak jarraian hori agintari eskudunari jakinaraziko dio, baldin eta gaixotasuna zoonosia dela uste badu edo hori baieztatu ahal badu.

4. Pertsonen edota beste animaliekin kutsa dakiekeen gaixotasuna duten animaliak, albitariak diagnostikatutakoa, bere iritziz, hil egin behar badira, eutanasia-sistemaren bidez egingo da, jabeak hala baimenduta.

5.- Animalien jabeek ondokoak egin behar dituzte gainerako pertsonekin modu baketsuan bizitzeko:

a) Animalia beste animalia batzuen kontra edo pertsonen kontra xaxatu, ez pertsona edo ondasunei eraso egitera oldarrarazi; debekatuta dago harrokerietan ibiltzea animalia erasokortasuna dela eta.

b) Debeekatuta dago animaliak urmaeletan, iturrietan eta antzekoetan bainatzea, bai eta umeen olgetetarako tokietan egotea ere.

c) Debeekatuta dago animaliak erakusleihatetan jartzea salmenta erakargarri; kanpotik inork eragozpenik ezin sortu dien tokian jarri behar dira.

d) Igogailua erabiltzen denean, animalia daukan pertsonak baimena eskatu behar die igogailuan sartzen diren beste pertsoneri; baimenik eman ezean edo norbait uzkur izanez gero, itxaron egin behar du eta geroago sartu bera bakarrik.

e) Higiezinaren eta orubeen jabeek behar diren neurriak hartu behar dituzte basati eta kontrolik gabe dabilzan animaliak ahalik gutxien izateko.

f) Animaliak garraio publikoko ibilgailuetan eta herritar guztientzako establezimenduetan sartzeari dagokionez Udalak berariaz ezartzen dituen xedapenak aplikatuko dira.

5. artikulua.—Animalien identifikazioa

1. Txakurren eta ohiko etxetik irteten diren katuen jabeek edo edukizailleek horiek identifikatu eta udalean hilabeteko epean erregistratu behar dituzte, jaiotzen direnetik edo horiek eskuratu dituztenetik aurrera zenbatuta, baldin eta udalerrian modu iraunkorrean edo hiru hilabete baino gehiago badaude. Betebehar horrek beste laguntzako animalia batzuk ere barnean hartu ahalko ditu.

2. Identifikazioa egiteko, txakurrei edo katuei euren lepoaren ezker aldean mikrotxipa edo osagai mikroelektronikoa ezarriko zaie. Hori foru edo udal albaitari ofizialak edo animalia txikietarako gaitutako albaitari pribatuak gauzatuko du.

Mikrotxipa jartzeko, Euskal Autonomia Erkidegoan animalia identifikatzeko metodo elektronikoen erabilera arautzen duen Nekazaritza eta Arrantza sailburuak 1993ko maiatzaren 5ean emandako Aginduan eta ezar daitezkeen bestelako arauetan xedatutakoa beteko da.

Animalia identifikatzeko unean, albaitari ofizialak edo gaituak Kartilla Ofiziala eta berori identifikatu nahiz Euskal Autonomia Erkidegoan Animalia Identifikatzeko Erregistro Orokorrean (regia/AIEO) inskribatzeko eskabidea beteko ditu, azken hori 1993ko maiatzaren 5eko Aginduaren bidez sortu dena. Interesdunek agiri hori albaitari ofizialen edo gaituen bulegoetan jaso ahal izango dute. Horietako ale bat albaitari jardulearen esku geratuko da, eta beste biak animalia jabeak jasoko ditu. Horrela, jabeak ale bat Eusko Jaurlaritzaren Nekazaritza eta Arrantza Sailari igorri beharko dio, NANaren fotokopiarekin batera, datuak AIEOn inskribatu ahal izateko.

3. Erroldan identifikatu ez bada, edo ezarritako epean egin ez bada, arau-haustea gertatuko da Animaliak Babesteari buruzko Legearen 27.1.a artikuluan xedatutakoari helduta.

4. Animalia jabeak, AIEOri erregistroan jasotako datuen baten gainean aldaketarik eginez gero, jakinarazi egin beharko dio, horien artean:

a) Titularrari edota animalia jabearen buruzko datuen aldaketa.

b) Titulartasun-aldaketak.

c) Animalia jabearen baja, heriotzarengatik edo EAEtik kanpora egindako behin betiko lekualdaketarengatik.

d) Desagerpena, hori galdu edo lapurtzeagatik. Jakinarazpena 10 eguneko epean egin beharko da, galera edo lapurreta gertatzen denean izan ezik; kasu horietan, 48 orduko epean egin beharko da, galera edo salaketa egiten denetik zenbatuta, salaketaren kopia aurkeztuta. Aldaketaren edo gorabeheraren eskabidea, NANaren kopia erantsita, interesdunek udalean edo Foru Aldundian edo albaitari gaituen bulegoetan eskuragarri izango duten agiria beteta egingo da. Bada, a), c) eta d) puntuetan ezarritako kasuetan, interesdunak AIEOri ale egokia igorriko dio.

Bestalde, b) atalean ezarritako kasuetan, hots, salmentaren, dohaintzaren edo indarreko legerian ezarritako moduetatik edozeinen ondorioz eskualdaketa gertatzen denean, orduan, alderdi jarduleek aldaketa egiteko eskabidea bete beharko dute, zenbatuta eta laukoiztuta. Kartilla Ofizialean eskualdaketaren oharra eta ikus-onetsia Udal Osasuneko Zerbitzuak edo

Aldundiak egingo du, bertan erabilitako agiriaren zenbakia zehaztuta. Agiri bat alderdi jardulearen esku geratuko da, eta beste bi ale, jabe berriaren esku. Azken horrek ale bat igorri beharko dio AIEOri hilabeteko epean, eskualdaketa-datatik zenbatuta.

Edozein salmenta edo lagapen eginez gero, jabe berriari animaliak behar bezala identifikatuta, erroldatuta eta Kartilla Ofiziala gaurkotuta emango zaizkio.

Artikulu honetan jasotako errolda-identifikazioan egindako aldaketak Erregistroari jakinarazi ez bazaizkio, arau-haustea izango da, Animaliak Babesteari buruzko Legearen 27.1 a) artikulua aintzat hartuta.

6. artikulua.—Edukitzeko baldintzak

1. Animalia-aren edukitzaileak horrek sortutako kalteen, galeren eta eragozpenen gaineko erantzukizuna izango du, Kode Zibilaren 1.905. artikuluan xedatutakoaren arabera.
2. Erroldatuta edota erregistratuta dagoen animalia-aren edukitzaileak edo horrek baimendutako pertsonak, hala badagokio, horren galera salatu beharko du.

7. artikulua.—Edukitzeko mugak

1. Oro har, etxebizitza partikularretan etxeko animaliak edo animalia etxekotuak eduki daitezke.
2. Eskumena duen udal agintaritzak animaliak edukitzea edota eduki daitekeen kopuruaren gehiengoa mugatu ahalko du, honako hauek kontuan hartuta: bizitokiaren egoera, instalazioen egokitzapena, garbitasun- eta osasun-baldintzak, arrisku- edo deserosotasun-egoerarik eza (bai auzokideentzat edo beste edozeinentzat oro har, bai eta animalia-arentzat berarentzat edo besteentzat ere).

Udal agintaritzak interesdunari eskatu ahalko dio animaliak edukitzeko baldintzen gaineko informazioa eta agiriak emateko, edo animalia bere esku uzteko. Horiek bete ezean, arau-hauste larria izango da, ordenantza honen 44. artikuluan ezarritakoaren arabera.

8. artikulua.—Abandonatutako animaliak

Abandonatutako animalia jatorriaren eta jabearen identifikaziorik ez duena eta inoren laguntzarik gabe doana da. Era berean, abandonatutako animalia da, identifikazioa izan arren, jabeak edo baimendutako pertsonak horren galera salatu ez badu.

9. artikulua.—Abandonatutako animaliekin aplikatu beharreko prozedura

1. Abandonatutako animaliak administrazioak jasoko ditu zerbitzu propioaren edo hitzartuaren bidez. Animalia harrapatu eta garraiatzeko erabiltzen diren baliabideek garbitasun- eta osasunbaldintzak bermatu beharko dituzte, eta animaliangan ezingo dute eragin inolako sufrimendurik.

2. Goiko puntuan aipatutako animaliak Animaliak Batzeko Zentroan legez ezarritako epean egon beharko dira. Jabeak animalia berreskuratu nahi izanez gero, izaera hori egiaztatzeaz gain, animalia mantentze- eta egonaldi-gastuak ordaindu beharko ditu.

Osasun-, arrisku- edo sufrimendu-inguruabarren arabera komenigarria denean, aipatutako zerbitzuko albaitariaren irizpideari jarraiki, epea beharrezkoa den neurrian murriztuko da.

3. Epe hori igaro bada eta identifikatu gabeko animalia erreklamatu ez bada, honako neurriok hartu ahalko dira: jabetzea, eskabidea egin eta animalia osasun-egoera administratiboa ordenantza honetako I. eranskinean ezarritakoaren arabera arautzen duen partikularrarentzako lagapena eta, azkenik, eutanasia-heriotza.

Edozein unetan, laguntzako animalien zaintza pertsona fisikoei edo juridikoei aldi baterako eskuordetu ahal izango zaie.

4. Animaliak identifikazioa badu, jabeari hori jaso edo harrapatu dela modu sinesgarrian jakinaraziko zaio. Hori dela bide, horrek zazpi eguneko epea izango du hori berreskuratzeko, baina bilketarako zentroan egindako egonaldi-gastuak ordaindu beharko ditu. Epe hori igaro bada eta jabeak hori berreskuratu ez badu, animalia aurreko atalean aipatutako egoeran egongo da.

5. Animaliak euren kontzientzia berehala galdu eta sufrimendurik eragingo ez dien prozeduren bidez hilko dira, kontrolpean eta albaitariaren erantzukizunpean.

10. artikulua.—Kaleko animaliak

1. Animaliek pertsoneri edo ondasunei sor diezazkieketen eragozpenak edota arriskuak saihesteko helburuarekin, herritarrek udaleko osasun-zerbitzuei kaleko edo abandonatutako animalien berri emango diete.

2. Debekatuta dago bide publikoan eta orubeetan hegaztiei, txakurrei, katuei eta gainerako kaleko animaliei janaria ematea.

Atal hori betetzen ez bada, arau-haustea eragingo du ordenantza honen 44. artikuluan ezarritakoari helduta.

3. Hiriko animalia asko badaude eta horiek kontrolik gabe badaude, udal agintariak animalien kopurua kontrolatzeko beharrezko ekintza guztiak burutuko dituzte.

GASTUAK:

Animalia identifikatuta badago:

Jabearen kontura izango dira animalia udal zentrora edo animaliak babesteko zentrora eramaten denetik animaliak babesteko zentroa hartaz jabetu arte sortzen diren gastuak.

Animaliak babesteko zentroa animaliaz jabetzen denetik sortzen diren gastuak zentroaren kontura izango dira.

B) Animalia identifikatuta ez badago:

Udalaren kontura izango dira animalia biltzen denetik animaliak babesteko zentroko egonaldia amaitu arte (hau da, beste pertsona bati eman edo hil arte) sortzen diren gastuak.

11. artikulua.—Eraso baten aurrean aplikatuko den prozedura

1. Animaliak eragindako erasoaren salaketa edo horren berri jaso duen udal zerbitzuak salatzaileari edo egitateen berri-emaileari erasoaren identifikazioa erraztuko duen edozein datu emateko eskatuko dio, eta hori berehala administrazio-espedientearen izapideak egiteko ardura duen agintariari jakinaraziko dio. Horren ardura animalia erroldatuta dagoen udalerriko udalak izango du, edo, hala badagokio, jabearen bizileku den udalerriko udalak; bestalde, agiria guztiak helarazi beharko dira.

2. Pertsonari egindako erasoen artean hozkaden ondoriozko lesioak eragin bazaizkio, izapideak egin behar dituen agintari eskudunak Osasun Saileko Zaintza Epidemiologiko Unitateari eta foru aldundietako Animalia Osasun Zerbitzuei jakinaraziko die espediente ireki dela.

Lesioak eragin dituen animalia jabeak edota edukitzaileak, 24 orduko epean, animalia berak aukeratutako albaitari ofizialaren edo gaituaren behaketa-prozesuaren mende jarriko du, hamalau eguneko epean, txakurren kasuan. Hala ere, epea ezberdina izango da animalia-mota kontuan izanda, edo unean uneko inguruabar epizootiologikoen hori egitea komenigarritzat jotzen badute, betiere, aurretiaz, teknikariaren txosten arrazoitua aurkeztuta. Halaber, hozkada egin denetik hogeita lau ordu igaro ondoren, hori borondatez bete ez badu, orduan udal agintari eskudunak hori egiteko eskatuko dio, eta animalia animaliak batzeko zentroan sartu edota isolatzeko agindu ahalko du (II. Eranskina). Agindei hori betetzen ez bada, arau-hauste larria eragingo du, Euskal Autonomia Erkidegoko Osasun Antolamenduari buruzko ekainaren 26ko 8/1997 Legearen 36.2.b.1 artikuluari jarraiki, eta hori behar bezala betetzeko beharrezkoak diren kautela-neurriei kalterik egin gabe. Edozein kasutan ere, luzatutako txostenaren edo ziurtagiriaren zenbatekoa, halakorik badago, animalia jabeak edota edukitzaileak ordaindu beharko du. Animaliak jabe edo edukitzaile ezagunik ez badu, egitateen gaineko eskumena duen udal zerbitzuak hori jaso eta behaketa-prozesuaren mende jartzeko erantzukizuna izango du. Behaketa hori espedientearen izapideak egin behar dituen udal eskudunari jakinaraziko zaio egitateak gertatu eta hurrengo 72 orduko epean.

Albaitariak behaketa egin beharko du zoonosi-arriskua baztertu edo antzemateko eta animalia arrisku maila ebaluatzeko, kasuan kasuko emaitzaren ziurtagiria/txostena luzatuz, III. eranskinean jasotako ereduaren arabera. Jabeak edota edukitzaileak, behaketa bukatu ondoren, 48 orduko epean albaitariaren ziurtagiria/txostena espedientearen izapideak egin behar dituen agintari eskudunari igorriko dio, lehenengo paragrafoan aipatutakoa, espediente horri eransteko helburuarekin. Aldi berean, albaitariaren ziurtagiriaren/txostenaren kopia bidaliko dio dagokion foru aldundiaren Abeltzaintza Zerbitzuari eta Osasun Saileko Zaintza Epidemiologikoko Unitateari. Behaketa-prozesuaren ondoriozko emaitzaren ara bera, osasun-arriskuak hausten badira, orduan, udal

agintariak txakurra zentroan sartu edota isolatu edo egonaldi horren luzapena agindu ahalko du.

3. Erasoarekin batera hozkaden ondoriozko lesiorik sortu ez bada, txakurraren jabeak edo edukitzaileak berak aukeratutako albaitari ofizialaren edo gaituaren behaketaren mende jarri beharko du, horrek beharrezkotzat jotzen duen epean. Gainera, ziurtagiri egokia luzatuko du eta jabeak espedientearen izapideak egin behar dituen agintari eskudunari igorriko dio.

12. artikulua.—Debekuak

1. Hona hemen debekuak:

a) Animaliei tratu txarra eragitea edo oinazea, sufrimendua eta justifikatu gabeko larritasuna eragitea.

b) Abandonatzea.

c) Era berean, debekatuta dago ordenantza honetan jasotako animalia-espezieetatik edozeinen gorpua bide publikoan bertan behera uztea. Halakorik gertatzen bada, dagokion udal zerbitzuari jakinarazi beharko zaio, egoera hori konpontzeko beharrezkoa dena bete dezan.

d) Bizitzeko behar duten janaria ez ematea edota garbitasunaren eta osasunaren ikuspuntutik desagokiak diren establezimenduetan edukitzea.

e) Gorputz-adarren bat moztea, albaitariak kontrolatutakoak direnean ez bada, funtzioak betetzeko edo arrazaren ezaugarriei eusteko beharrezkoa izanik.

f) Alkohola, drogak edo botikak ematea edo kalte fisikoak edota psikikoak eragingo dieten edozein manipulazio artifizial egitea, lehiaketa batean emaitzak hobetzeko asmoz egin arren.

g) Animalia berezko jokaeraren aurka edo tratu iraingarria eragingo duen moduan aritzera behartzea.

h) Animalien arteko borrokak.

i) Animaliak bide publikoan hiltzea, ezinbestekoa ez bada eta horretarako premia gorria ez badago.

j) 14 urtetik beherakoei edo pertsona ezinduei animaliak saltzea, dohaintzan ematea edo lagatzea, guraso-ahala duten pertsonak edo tutoreek horretarako baimenik eman gabe.

k) Animaliak bide publikoan saltzea, baimendutako azoka edo merkatuak ez badira.

l) Animaliak laborategietarako edo kliniketarako saltzea administrazioaren kontrolik gabe.

ll) Animaliak publizitaterako erakargarri, sari edo ordainsari gisa ematea, diruzko eskualdaketen ondoriozko negozio juridikoak ez badira.

m) Babespeko espezieetako animaliak saltzea, bai eta horiek hartu edo erakustea ere, horien legeria zehatza kontuan izanda.

n) Ekainaren 1etik irailaren 30era bitartean Kanalapeko hondartzan txakurrak edo bestelako etxe-abereak egotea.

2. Gisa bertsuan, erabat debekatuta dago:

a) Animaliak janaria egin, saldu, biltegiratu, garraiatu eta maneiatzeko lokaletan edo ibilgailuetan sartu eta egotea, osasunagintariak hori baimentzen ez badu.

b) Animaliak jendaurreko ikuskizunak eskaintzen diren lokaletan, barrutietan eta esparruetan sartu eta egotea, bai eta igerileku publikoetan, osasun-etxeetan eta antzekoetan ere, hezkuntza, kultura edo aisiarako establezimenduetan, baldin eta horien arau berezietan debeku hori jaso bada.

c) Jendearentzako irekita dauden gainerako establezimenduetako titularrek animalien sarrera eta egonaldia debekatu ahal izango dute, sarreran debeku hori argi eta garbi erakutsita.

d) Animaliak toki pribatuetan sartu eta egoteko, hala nola, kultura-sozietateetan, aisiarako tokietan eta auzo-erkidegoen erabilera erkiderako tokietan, erakunde horiek arautzen dituzten arauen arabera jardungo da, ekainaren 1eko 101/2004 Dekretuaren 4. artikuluko 2. paragrafoan ezarritakoaren kalterik egin gabe.

e) Animaliak balkoi, garaje, pabilioi, soto, teilatu lau, lorategi edo bestelako lokal edo hiri-lurretan ohiz edukitzea edo eskortatzea, horiek auzokoei edo oinezkoei eragozpen objektiboak eragiten badizkiete.

f) Debekatuta dago etxeko animaliak parkeetan eta lorategi publikoetan ohi bezala egotea, ukuiluratze edo erdi ukuiluratze erregimenean.

g) Laguntzako animaliak igotzeko tresnetan igo edo jaisteko, beti beste pertsona batzuk hori erabiltzen ez dutenean egingo da, baldin eta horiek horrela egitea eskatzen badute.

h) Debekatuta dago herritar ugari dabilen aire zabaleko espazioetan edo jendearentzat irekitako lokaletan arriskutsuak izan daitezkeen animaliak, basa-animaliak edota animalia kaltegarri edo basatiak aske uztea, hartarako apropos zehaztutako baldintzetatik eta esparru, gune edo parke zoologikoetatik kanpo, horiek egonez gero.

13. artikulua.—Salbuespenak

1. Aurreko artikuluetan xedatutakoa gorabehera, itsu-txakurren laguntza duten ikusmen urrikoak toki, ostatu, establezimendu, lokal eta garraio publikoetan sartu ahal izango dira. Establezimendu horien artean, ospitaleak, bai publikoak, bai pribatuak, eta osasunlaguntzarako zentroak hartzen dira.

2. Ikusmen-urritasuna duen pertsonak, aurretiaz agindeia eginda, animaliaaren itsu-txakur izaera egiaztatuko du, bai eta dagozkion osasun-betekizunak betetzen dituela ere.

3. Itsu-txakurrak gaixorik, oldarkor edo zikin daudenean, edo, oro har, pertsonentzat arriskuak eragin ditzaketenean, ezingo dira aurreko artikuluan aipatutako tokietara sartu.

14. artikulua.—Laguntzako animalien erkidego arteko lekualdaketak

Jabeek edo edukitzaileek euren txakurrak, katuak eta hudoak erkidego artean lekualdatu nahi izanez gero, toki batetik bestera aldatzeko ibilbide osoan Nekazaritza eta Arrantza sailburuaren 2004ko irailaren 27ko aginduan edo hori ordeztzen duen arauketan araututako pasaportearen eraman beharko dute, albaitari ofizialak edo gaituak emandakoa.

II. KAPITULUA

TXAKURREI BURUZKO XEDAPEN ZEHATZAK

15. artikulua.—Araubide orokorra

Txakurren kasuan, honako hauetan jasotakoa aplikatuko da: Euskal Autonomia Erkidegoan Txakurrak Edukitzeari buruzko ekainaren 1eko 101/2004 Dekretuan, Animalia Arriskutsuak Edukitzeko Araubide Juridikoari buruzko abenduaren 23ko 50/1999 Legea garatzen duen martxoaren 22ko 287/2002 Errege Dekretuan, aplikatu beharreko gainerako arauketan eta aurreko tituluetan, bereziki, identifikazioari eta erregistroari buruzkoa.

2.- Txakur jabeek ondokoak egin behar dituzte gainerako pertsonekin modu baketsuan bizitzeko:

a) Nornahi ibil daitekeen bide publikoetan eta espazio libre publikoetan zein pribatuetan ibiltzeko ezinbestekoa da txakurrak txipa edukitzea eta Udalaren erroldan erregistratuta egotea. Horrez gainera pertsona zuhur eta egokiak eraman behar du txakurra, uhalarekin, lokarriarekin edo kate idunekodunarekin lotuta (bi metro luze gehienez). Agerikoa bada txakurraren portaera arriskutsua izan daitekeela, muturrekoa ipini behar zaio, eta gauza bera egin behar arriskutsuak izan daitezkeen txakur guztiekin ere.

b) Landaguneetan aziendekin dabiltzan txakurrek txipa eduki behar dute eta Udalaren erroldan erregistratuta egon behar dira. Hori gorabehera, aske ibil daitezke, baina jabeen edo eramaileen kontrolpean beti; ezin dituzte molestatu etxeko beste abereak, ez basa animaliak, ez pertsonak, ez ondasunak.

c) Ehiza txakurrek ere txipa eduki behar dute eta Udalaren erroldan erregistratuta egon behar dira. Ehizaldietan bakarrik ibil daitezke aske, eta ehiztarien kontrolpean beti. Udalerriko ehiza esparru batera beste udalerrri batzuetako ehiztariak badatoz, ehizaren ustiapenaren titularrek kanpotik datozen txakurrek txipa duten eta beraien udalerrian behar

bezala erregistratuta dauden kontrolatu behar dute, eta osasun kontrola pasatu duten ere bai.

3.- Txakurra galduz gero, jabeak haxe egin behar du:

a) Txakurra galdu eta berehala Udalari jakinarazi.

b) Txakurra kalean hartu dela jakinarazten zaionean, berehala joan gordeta dagoen lekura: hasierako udal gordailua edo animaliak babesteko zentrora) animalia hartu eta sortu dituen kostuak ordaintzera.

Abisua jaso ondoren jabeak ez badu txakurra jasotzen udal gordailuan ARABAKO FORU ALDUNDIAREKIN itundutako animaliak babesteko zentrora eraman baino lehen, zentro horretara joan behar du bila eta bertan sortutako gastuak ordaindu.

III. KAPITULUA

ANIMALIA ARRISKUTSUEI BURUZKO XEDAPEN ZEHATZAK

16. artikulua.—Araubide orokorra

Ordenantza honen 3. artikuluan definitutako animalia arriskutsuen kasuan, Animalia Arriskutsuak Edukitzeko Araubide Juridikoari buruzko abenduaren 23ko 50/1999 Legean, hori garatzen duen martxoaren 22ko Errege Dekretuan eta aplikatu beharreko gainerako arauketan xedatutakoa aplikatuko da.

17. artikulua.—Lizentzia

1. Animalia Arriskutsuak Edukitzeko Araubide Juridikoari buruzko abenduaren 23ko 50/1999 Legearen babespean jasotako animalia arriskutsu gisa sailkatutako animalia bat edukitzeko, aurretiaz administrazioaren lizentzia eskuratu behar da. Lizentzia hori eskatzailearen udalerriko udalak emango du, edo udal horrek horren berri izanez gero, animalien merkataritza- edo heziketa-jarduera gauzatuko den udalerriko udalak eman ahal izango du, gutxienez, hurrengo betekizunak beteta:

a) Adin nagusikoa izatea.

b) Hilketan, lesio-, tortura-delituen, askatasunaren edo moralaren, sexu-askatasunaren eta osasun publikoaren aurkako delituen, eta banda armatuko edo narkotrafikoko delituen

ondoriozko kondenarik ez izatea, ezta animalia arriskutsuak edukitzeko eskubidearen inguruan ebazpen judizialik ere.

c) Arau-hauste larrien edo oso larrien ondoriozko zigorrik ez izatea, Animalia Arriskutsuak Edukitzeko Araubide Juridikoari buruzko abenduaren 23ko 50/1999 Legearen 13. artikuluko 3. atalean ezarritako zigor gehigarriren baten bidez. Hala ere, lizentzia eskuratzeko edo, hala badagokio, berriztatzeko ez da eragozpena izango hori aldi baterako eten izana, betiere, eskabidea egiteko unean bertan aurretik ezarritako etendura-zigorra oso-osorik bete bada.

d) Animalia arriskutsuak edukitzeko behar besteko gaitasun fisikoa eta psikologikoa izatea.

e) Hirugarrenei eragin dakizkiekeen kalteengatiko erantzukizun zibileko aseguruia egin dela egiaztatzea, ehun eta hogeita mila euro baino gehiagoko estaldurarekin (120.000).

f) Txakur arriskutsuen jabeek, ekainaren 1eko 101/2004 Dekretuaren 13-3-e) eta 12. artikuluen arabera, aurreko artikuluan aipatutako aseguruia egin behar izateaz gain, hamar eguneko epean kontratatu beharko dute, txakurra identifikatzen denetik zenbatuta, eta hori dagokion erregistroan inskribatu baino lehen.

Aseguru hori beste aseguru batzuen barnean jaso ahalko da, baina, edozein kasutan ere, horren kontratazioa ziurtagiri baten bidez egiaztatu beharko da, 101/2004 Dekretuaren III. eranskinean aipatutako ereduari jarraiki, aseguru-konpainiak luzatuko duena. Bertan, aseguru horrek estaltzen duen txakurraren identifikazioa beren-beregi jasoko da, ondorioak sortzen hasiko den datarekin nahiz epe-mugarekin batera.

g) Txakurraren titularrak txakurrak indarreko erantzukizun zibileko aseguruia bizi osorako izateko erantzukizuna izango du. Horretarako, unean-unean egin beharreko berriztapenak egingo ditu.

h) Atal honetako b) eta c) ataletan ezarritako baldintzak betetzen direla egiaztatuko da dagozkion erregistroek emandako ziurtagiri negatiboen bidez. Gaitasun fisikoa eta psikologikoa aurretik aipatutako martxoaren 22ko 287/2002 Errege Dekretuan xedatutakoaren arabera eskuratutako ziurtagiriaren bidez egiaztatuko da.

2. Lizentzia administratiboa alkatetza-udalburutzak eman edo berriztatuko du, interesdunak hala eskatzen duenean, 50/1999 Legean xedatutakoari helduta, aurreko atalean ezarritako betekizunak bete direla egiaztatu ondoren.

3. Lizentziaren iraupena bost urtekoa izango da, baina epe bereko ondoz ondoko luzapenak egin daitezke. Hala ere, lizentziak bere indarraldia galduko du titularrak aurreko atalean ezarritako betekizunen bat betetzen ez denean. Lizentzian jasotako datuak aldatuz gero, titularrak hamabost eguneko epean jakinarazi beharko dio hori bidaltzeko eskumena duen alkatetza-udalburutzari, aldaketa hori egiten denetik zenbatuta.

4. Indarreko administrazio-lizentziaren gain eragina duten eskuhartzea, kautela-neurriak edo etendurak, bide judizialean edo administrazio-bidean erabakitakoak, beste bat bidali edo hori berriztatzea ukatzeko arrazoi izango dira, haiek ezabatzen ez diren bitartean.

5. Artikulu honen 1. paragrafoan agindutako betekizunak bete gabe emandako lizentziak deusezak izango dira ondorio guztietarako. Horrenbestez, titularrak ez du lizentziarik izango.

18. artikulua.—Arriskutsuak izan daitezkeen animalien erregistroa

1. Lizentzia duen titularrak Arriskutsuak izan daitezkeen Animalien Udal Erregistroan inskribatzeko eskaera egin beharko du, lizentzia egokia eskuratu eta hurrengo hamabost eguneko epean.

2. Arriskutsuak izan daitezkeen Animalien Udal Erregistroari animalia salmentaren, eskualdaketaren, dohaintzaren, lapurretaren, hilketaren edo galeraren berri eman beharko zaio, eta hori dagokion erregistroko orrian agerraraziko da.

3. Animalia arriskutsu bat Euskal Autonomia Erkidegotik kanpo dagoen beste udalerrri batera lekualdatzen bada, bai modu iraunkorrean, bai hiru hilabete baino gehiagoko eperako, jabeak dagozkion Udal Erregistroetan inskripzio egokiak egin beharko ditu.

4. Animalia titullarrak artikulu honetan agindutakoa betetzen ez badu, administrazio-zigor egokia ezarriko zaio, 50/1999 Legearen 13. artikuluan xedatutakoaren arabera.

19. artikulua.—Segurtasun-neurriak

1. Animalia arriskutsuen jabeek, hazleek edo edukitzaileek indarreko legerian jasotako herritarren segurtasunari buruzko arauak bete beharko dituzte, animalia horiek gizakiekin modu egokienean bizitzeko eta herritarrei kalterik ez sortzeko.

2. Animalia arriskutsuak toki edo esparru publikoetan badaude, hori gidatu edo kontrolatzen duen pertsonak ordenantza honen 17. artikuluan zehaztutako administrazio-lizentzia eskura izan behar du, bai eta animalia arriskutsuen udal erregistroan inskribatuta dagoela adierazten duen egiaztagiria ere.

3. Finkan, landa-etxean, txaletean, lursailean, terrazan, patioan edo mugatutako beste edozein tokitan dauden animalia arriskutsuak lotuta egon beharko dira, azalera, altuera eta itxiera egokia duen esparrua dutenean izan ezik, toki horietara hurbiltzen diren pertsonak edo animaliak babesteko.

4. Arriskutsuak izan daitezkeen animalien hazleek, hezitzaileek eta merkatariak horiek edukitzeko instalazio eta baliabide egokiak izan beharko dituzte.

5. Arriskutsua izan daitekeen animalia ostu edo galtzen bada, titularrak arriskutsuak izan daitezkeen animalien udal erregistroari berrogeita zortzi orduko epean jakinarazi beharko dio, egitate horien berri duenetik zenbatuta.

20. artikulua.—Salbuespenak

Inguruabarrek komenigarritzat jotzen dutenean, jabeek betekizunak betetzeko salbuespenak ezarri ahal izango dituzte hurrengo kasuetan:

— Animaliak gizarte-eginkizunerako erabiltzen dituzten erakunde publiko edo pribatuak.

— Zaintza-txakurrak, defentsa-txakurrak edo azienda maneiatzeko txakurrak erabiltzen dituzten nekazaritzako ustiategiak, bai eta jarduera zinegetikoak ere. Hala ere, ezinezkoa izango da horiek 50/1999 Legean jasotako jarduera ez-zilegiak egitea.

— Lan- eta kirol-probak, horietan parte hartzen duen animalia-eredua aukeratzeko helburuarekin, betiere, agintari eskudunak baimenduta eta gainbegiratuta, borroka- eta

eraso-ariketak ez badira, indarreko arauketan eta ordenantza honetan xedatutakoaren arabera.

21. artikulua.—Garraioa

Arriskutsuak izan daitezkeen animalien garraioa, animalia-ongizateari buruzko arauketarekin bat etorrira burutu beharko da. Horrela, garraioa edo zamalanak egiten diren bitartean, pertsonen, ondasunen eta beste animalia batzuen segurtasuna bermatzen duten arreta-neurriak hartu beharko dira.

III. TITULUA

ANIMALIEKIN ZERIKUSIA DUTEN JARDUERAK

I. KAPITULUA

GUNE ZOOLOGIKOAK

22. artikulua.—Araubide orokorra

1. Gune zoologikoak Gune Zoologikoei buruzko apirilaren 11ko 81/2006 Dekretuan edo hori ordezten duen arauketan ezarritakoaren arabera arautuko dira.

2. Gisa berean, aurretiaz udalaren lizentzia eskuratu beharko dute Euskal Autonomia Erkidegoko Ingurumena Babesteari buruzko otsailaren 27ko 3/98 Lege Orokorrean, lizentzia eskuratzeko salbuetsita dauden jardueren zerrenda jasotzen duen 165/99 Dekretuan eta aplikatu beharreko gainerako arauketan ezarritako baldintzetan.

II. KAPITULUA

ERAKUSKETAK ETA LEHIAKETAK

23. artikulua.—Animalia basatiak

1. Merkataritzako helburua izanik animaliak gatibutasunean hazteko baimena duten instalazioetatik datozen tokian tokiko fauna osatzen duten animaliak eduki, salerosi eta erakusteko, egoera hori egiaztatzeko agiria beharko da. Arriskuan dauden Espezieen Nazioarteko Salmentaren Kontrolerako Konbentzioak (CITES) babestutako espeziea izanez gero, horren ziurtagiria izateko eskatuko da.

2. Fauna autoktonoari dagokionez, debekatuta dago ehiza eta animaliak eduki, disekatu, merkaturatzea, bai eta trafikoa eta erakusketa publikoa egitea ere, arrautzak, kumeak, propaguloak edo Europako Elkarteko xedapenen bitartez sinatutako nazioarteko tratatuek eta hitzarmenek babestuzat deklaritzen dituzten espezieak barne.

3. Aurreko paragrafoan aipatutako arauetan aurreikusitako kasuetan baino ezingo dira animaliak eduki, merkaturatu eta erakusketa publikoak egin. Kasu horietan, animalia bakoitzeko honako dokumentazioa behar da:

— Sarrerako Nazioarteko Egiaztageria

— Arriskuan dauden Espezieen Nazioarteko Salmentaren Kontrolerako Konbentzioa (CITES) ziurtagiria, Kanpo Merkataritzako Zuzendaritza Nagusiko aduanak emandakoa.

III. KAPITULUA

ANIMALIA TXIKIEN KONTSULTATEGI, KLINIKA ETA OSPITALEAK

24. artikulua.—Araubide orokorra

Albaitaritzako kontsultategien, kliniken eta ospitaleen establezimenduek aplikatu beharreko arloko arauak beteko dituzte, eta, era berean, udal lizentzia egokia eskatuko dute.

IV. TITULUA

IKUSKAPENA ETA KONTROLA

25. artikulua.—Ikuskapena eta Kontrola

1. Ordenantza honetan araututako gaiak udaltzainek edo agintaritzaren agentetzat jotako bestelako funtzionarioek ikuskatu eta kontrolatuko dituzte. Horrez gain, akta egin ahal izango dute (interesdunak bere desadostasuna adieraz dezake) eta hori interesdunari aktaren edo salaketa-buletinaren bidez jakinarazi eta organo eskudunari igorriko diote, azken horrek beharrezkoak diren neurriak hartu, eta, bidezkoa izanez gero, zigor-prozedurari hasiera eman diezaion.

2. Arau-hausteen ondorioz delitua edo falta eragin bada, zigorra ezartzeko eskumena duen administrazio-organoak zigor arloko jurisdikzioari horren berri emango dio, eta zigor-prozeduran ez du parte hartuko, ebazpen judizial irmoa adierazten ez den bitartean, ordu arte preskripzio-epea etenda geratuz.

3. Esku-hartze judiziala gertatu aurretik administrazio-espedienteak bideratzen dituzten agintariak hartutako kautela-neurriek indarrean iraungo dute, agintari judizialek berariazko adierazpena ematen ez duten bitartean.

V. TITULUA

ZEHAPEN ARAUBIDEA

I. KAPITULUA

XEDAPEN OROKORRAK

26. artikulua.—Arau-haustek eta zigorrak

1. Administrazio arloko arau-haustek izango dira Animaliak Babesteari buruzko urriaren 29ko 6/1993 Legean, Arriskutsuak izan daitezkeen Animaliak Edukitzeko Araubide Juridikoari buruzko abenduaren 29ko 50/1999 Legean, Hondakinei buruzko apirilaren 21eko 10/1998 Legean, Euskadiko Osasun Antolamenduari buruzko ekainaren 26ko 8/1997 Legean eta tokiko gobernua modernizatzeko neurriei buruzko abenduaren 16ko 57/2003 Legeak gehitutako apirilaren 2ko 7/1985 Legearen XI. tituluan xedatutakoaren arabera ordenantza honetan halakotzat jo diren egintzak eta ez-egiteak.

2. Administrazio arloko arau-hausteen kasuan, artikulua honen aurreko atalean aipatutako arauketan ezarritakoaren arabera zigorra ezarriko da, arau-haustek behar bezala identifikatu nahiz zigorrak zehatz-mehatz zehazteko ordenantza honetan jasotako arauhausteen zehaztapenei nahiz zigorren mailaketari kalterik egin gabe.

1. ATALA

ANIMALIEN BABESA

27. artikulua.—Arau-haustek

1. Hona hemen arau-hauste arinak:

- Ordenantza honetako betebeharrak ez betetzeagatik hiritarren higieanean, segurtasunean edota lasaitasunean eragin larririk ez dutenak.
- Erroldako identifikaziorik ez duten laguntzako animaliak edukitzea, hori nahitaezkoa denean.
- Ordenantza honetan ezarritakoa betetzen ez dituzten animaliak garraiatzea.
- Animaliak arreta eta zaintza egokia jasotzea ezinezkoa den tokietan edukitzea.
- Animalia berezko jokoaren aurka edo tratu iraingarria ekarriko dion moduan aritzera behartzea.
- AIEOri Euskal Autonomia Erkidegoan Txakurra Edukitzeari buruzko ekainaren 1eko 101/2004 Dekretuaren 3. artikuluan jasotako txakurren erroldako identifikazioaren edota erroldako identifikazioan egindako aldaketan berri ez ematea.

2. Hona hemen arau-hauste larriak:

- Animaliei janaria, edaria edo beharrezkoa den osasunlaguntza ez ematea, edo horien beharrezko fisiologikoak nahiz etologikoak aintzat hartuta, establezimendu desegokietan edukitzea garbitasunari eta osasunari dagokienez.
- Animaliak albitariaren kontrolik gabe edota Animaliak Babesteari buruzko ekainaren 1eko 101/2004 Dekretuaren 9. artikuluan bereziki nahiz hori garatzen dituzten arauetan ezarritakoaren aurka esterilizatzea edo gorputz-adarren bat moztea edo hiltzea.
- Animalia txertoa ez ematea edo nahitaezko tratamenduak ez ematea.
- Animaliak baimenik gabe saltzea.
- Animaliei tratu txarrak ematea edo erasotzea, arrazoirik gabeko sufrimendua edo lesioak eragitea, edo gorputz-adarren bat eragitea.
- Animaliei, zuzenean edo janarien bidez, arrazoirik gabeko sufrimendua edo kalteak ekar diezazkieketen gaiak ematea.
- Kalteak eragin ditzaketen animaliak behar besteko zuhurtasunez ez zaintzea eta gordetzea.
- Txakurrak kontrolik gabe ibiltzea hiriguneetako bide eta espazio publikoetan, eta higiezin kolektiboetako esparru komunetan, hain zuzen ere kate edo uhal egokia jarri Gabe, bi metro luze gehienez.
- Ageriko min edo sufrimendu larriak eta agerikoak dituzten animaliei albitariaren zerbitzurik ez ematea.

- Animaliek administrazio-baimen egokirik ez duten ikuskizunetan parte hartzea.
- Hiru arau-hauste arin egitea, ebazpen irmoaren ondoriozko zigorra ezarrita, zigor-espedita hasi baino bi urte lehenago.
- Ekainaren 1eko 101/2004 Dekretuaren 5.1 eta 2.artikuluetan ezarritakoa ez betetzea, azaleraren metro karratu bakoitzeko eduki daitekeen txakurren ratioari buruzkoa, eta aipatutako artikulua zehaztutako lokaletan nahiz ibilgailuetan txakurrak sartu eta egoteari buruzkoa.
- Ekainaren 1eko 101/2004 Dekretuaren 7. artikuluan edukitzeko baldintza berezien mendeko txakurrak direnentzat ezarritako baldintza bereziak ez betetzea.
- Establezimenduek animaliak hazi edo saltzeko aldi baterako mantentze-baldintzak ez betetzea, Animaliak Babesteari buruzko urriaren 29ko 6/1993 Legean edo hori garatzen duten arauetan ezarritakoari helduta, eta, bereziki, Gune Zoologikoei buruzko apirilaren 11ko 81/2006 Dekretuan ezarritako puntu hauek:
 - Dekretuaren 7. artikuluan aipatutako Erregistro-libururik ez izatea.
 - Erregistro-liburuak osatu gabe edo zenbait daturik gabe izatea.
 - Animalia-espezieak saldu, eduki, trafikatu, merkaturatu eta erakustea, CITES araudia nahiz irailaren 16ko 1881/1996 Errege Dekretuan ezarritakoa bete gabe.
 - Erregistroko inskripziorik edo funtzionamendurako baimen egokirik ez izatea.
 - Aldaketa egiteko baimen egokirik ez izatea edo Erregistroari zentroan edota establezimenduan egindako aldaketak ez komunikatzea.
 - Ikuskapenerako lan ofizialak ez ahalbidetzea, eragozteko edo horietan parte ez hartzea.
- Ekainaren 1etik irailaren 30era bitartean Kanalapeko hondartzan txakurrak edo bestelako etxe-abereak egoteko debekua ez betetzea

3. Hauexek dira arau-hauste oso larriak:

- Animaliak erasoen bidez edo gai toxikoak emanda hiltzea.
- Etxeko edo laguntzako animalia abandonatzea
 - Animaliekin krudelkeria, tratu txarrak edo itxuraz sufrimenduak eragiten dituzten zinemarako edo telebistarako filmatzeak egitea.
- Baimendutako ikuskizunetan parte hartzen duten animaliei anestesiak, drogak edo bestelako produktuak ematea, batik bat, errendimendu fisiko handiagoa edo euren izatearekin bat ez datorren beste edozein jokabide lortzeko.
- Txakurren arraza arriskutsuengandik kumeak ateratzea.
- Janari pozoituak bide eta gune publikoetan uztea.

— Animaliak debekatutako ikuskizunetan parte hartzea behartzea.

— Hiru arau-hauste arin egitea, ebazpen judizialaren ondoriozko zigorra ezarrita, zigor-espedientea ireki baino bi urte lehenago.

28. artikulua.—Zigorrak

1. Animaliak Babesteari buruzko urriaren 29ko 6/1993 Legearen arabera, animalien babesaren inguruan gertatutako arau-hausteen kasuan, hurrengo isun hauek ezarriko dira:

— Arau-hauste arinak: 30,05 eta 300,51 euro bitartean.

— Arau-hauste larriak: 300,52 eta 1.502,53 euro bitartean.

— Arau-hauste oso larriak: 1.502,54 eta 15.025,30 euro bitartean.

2. Zigorren zenbatekoak urtero eguneratuko dira, kontsumoko prezioen indizea kontuan izanda. Indize hori aurreko urteko zigorraren zenbatekoaren gain aplikatuko da.

3. n) atalean araututako arau-hauste larriak Gune Zoologikoei buruzko apirilaren 11ko 81/2006 Dekretuan jasotako 13. artikuluan ezarritakoaren arabera zigortuko dira.

29. artikulua.—Zigor osagarriak

Zigor-ebazpenean arau-haustearen xede diren animaliak konfiskatzea aginduko da, animalien osotasun fisikoa bermatzeko beharrezkoa denean.

Konfiskatutako animaliak ondorio horretarako gaitu diren instalazioetan zainduko dira, eta, ahal bada, hirugarrenei lagako zaizkie, eta, azken aukeran, hil egingo dira.

Arau-hauste larriak edo oso larriak gertatuz gero, kasuan kasuko, instalazioak, lokalak eta establezimenduak aldi baterako itxi ahal izango dira; arau-hauste larrien kasuan, gehienez ere, bi urterako itxi ahal izango dira, eta, arau-hauste oso larrien kasuan, gehienez ere, lau urterako. Horrez gain, gehienez ere, lau urteko epean bestelako animaliak eskuratzeko debekua ezarri da.

Hiru urte baino epe laburragoan araua berriro hautsi bada, falta oso larrietan administrazio-baimena galduko da.

30. artikulua.—Zigorrak mailakatzea

1 Isunen zenbatekoa mailakatu nahiz aurreko artikulua 3. atalean ezarritako zigorren iraupena zehazteko, hurrengo inguruabarrak aintzat hartuko dira:

Arau-haustearen gizarte- eta osasun-eragina eta sortutako kalteak.

Araua haustean eskuratutako irabazi-asmo ez-zilegia eta mozkinaren zenbatekoa.

Arauk behin eta berriro haustea. Berrerortzea egin dela ulertuko da administrazio-bidean ebazpen irmoaren bitartez zigorra ezarri denean, ordenantza honetan ezarritako arau-hausteren batengatik zigor-espedita hasi baino bost urte lehenagoko epean.

Arau-haustea gaitzesteko mailan eragina izan dezakeen beste edozein, dela modu aringarrian, dela astungarrian. Hori dela medio, garrantzi berezia izango du animaliei haurren edo ezindu psikikoen aurrean eragindako indarkeriak.

2. Halaber, ahal den neurrian eta kasuan kasuko administrazio-sektorearen berezitasuna dela-eta galdatutako xehetasunak nahiz egokitzapenak aintzat hartuta, antijuridikotasunetik eta erruduntasunetik salbuesteko zigor arloko arauak modu analogikoan aplikatuko dira, ondorio berberetarako, sektore horretan esanguratsuak diren bestelako inguruabarrak kontuan hartzeari kalterik egin gabe.

3. Egitate berberak arau ezberdinetan jasotako bi arau-hauste administratibo edo gehiago badakartzate, zenbateko handieneko zigorra ezarriko da, eta espedita bideratu nahiz ebazteko organo eskuduna zigor-ahala duen organoa izango da.

31. artikulua.—Zigortzeko eskumena

Animaliak Babesteari buruzko urriaren 29ko 6/93 Legean jasotako foru-organoen zigortzeko eskumenari kalterik egin gabe, arauhausteen zigorra, ordenantza honetan xedatutakoaren arabera, udalak ezarriko du.

Arau-hauste arinak ebazteko organo eskuduna, indarreko legeriak udalari esleitutako ahalmenen barruan, alkatetza-udalburutza izango da.

Arau-hauste larriak ebazteko organo eskuduna udalaren osoko bilkura izango da.

Arau-hauste oso larrien gaineko zigorre dagokienez, foru organo eskudunak ezarriko ditu.

Halaber, arau-hauste larriengatik zigorra ezartzeko eskumena toki gobernari eskuordetuko zaio.

32. artikulua.—Kautela-neurriak

Arau-hausteen ondorioz delitua edo falta egin bada, zigorra ezarri behar duen administrazio-organu eskudunak zigor arloko jurisdikzioari horien berri emango dio, eta zigor-prozeduran ez du parte hartuko ebazpen judizial irmoa adierazten ez den bitartean. Gainera, ordu arte preskripzio-epea etenda geratuko da.

Esku-hartze judiziala gertatu baino lehenagoko administrazioespedienteak bideratu behar dituzten agintariek hartutako kautelaneurriek indarrean iraungo dute, agintari judizialek berariazko adierazpenik egiten ez duten bitartean.

Zigor-espedientea hasi ondoren, eta arau-hauste gehiago ez gertatzeko xedearekin, espedientearen instruktoreak kautela-neurri hauek zioz hartu ahal izango ditu:

— Animaliak prebenitzeko ateratzea, baldin eta lege honetan jasotako inguruabarren bat jasan dutelako zantzuak badaude, eta, animalien bilketarako zentroan sartu ondoren, horiek zaintzea.

— Instalazioak, lokalak edo establezimenduak aurreneurritz ixtea.

— Kautela-neurriek horiek hartzeko arrazoiek irauten duten epean indarrean iraungo dute. Dena den, animaliak ateratzeko neurria ezin izango da luzatu espedientearen ebazpen irmoa eman ostean, eta instalazioak itxita izateko epeak ere ezin izango du gainditu Animaliak Babesteari buruzko urriaren 29ko 6/1993 Legearen 29-2. artikuluan ezarritako epearen erdia.

33. artikulua.—Arau-hausteen eta zigorren preskripzioa.

Ordenantza honetan ezarritako arau-haustek modu honetan preskribatuko dira: arinak, lau hilabeteko epean; larriak, urtebeteko epean; eta oso larriak, bi urteko epean.

Arau-hausteen preskripzio-epa egiten diren egunetik hasita zenbatuko da.

Zigorren preskripzio-epa bost urtekoa izango da, horien zenbatekoa 305,00 euro-koa edo handiagokoa denean, eta, urtebetekoa, zenbateko hori baino txikiagoa denean.

Zigorren preskripzio-epa zigorra ezartzeko eman den ebazpena irmo bihurtzen den egunaren biharamunetik zenbatuko da.

2. ATALA

ARRISKUTSUAK IZAN DAITEZKEEN ANIMALIAK

34. artikulua.—Arau-hausteak

Arriskutsuak izan daitezkeen Animaliak Edukitzeko Araubide Juridikoari buruzko abenduaren 23ko 50/1999 Legearen arabera, bertan jasotako egoerak arau-haustetzat joko dira.

1. Hona hemen arau-hauste oso larriak:

— Arriskutsuak izan daitezkeen animaliak abandonatzea, edozein espezieetakoa zein txakurra izan. Hain zuzen ere, abandonatutako animalia izango da, behar bezala identifikatuta edo jatorriaren edo jabearen identifikaziorik izan gabe, inoren laguntzarik gabe doana.

— Arriskutsuak izan daitezkeen txakur edo animaliak lizentziarik gabe edukitzea.

— Arriskutsua izan daitezkeen animalia lizentziarik ez duen pertsonari edozein tituluren bidez saldu edo eskualdatzea.

— Animaliak heztea euren oldarkortasuna areagotzeko edo debekatutako helburuak lortzeko.

— Animalia arriskutsuen lehiaketak, eragiketak, erakusketak edo ikuskizunak antolatu edo ospatzea, edo horien partehartzea ahalbidetzea, animalien oldarkortasuna erakusteko.

2. Hona hemen arau-hauste larriak:

— Arriskutsuak izan daitezkeen animaliak aske uztea edo horien ihesa edo galera saihesteko beharrezkoak diren neurriak ez hartzea.

- Animalia identifikatzeko betebeharra ez betetzea.
- Erregistroan egin beharreko inskripzioa ez egitea.
- Txakur arriskutsua toki publikoetan muturrekorik gabe edo kateari lotu gabe egotea.
 - Animalia arriskutsuak 50/1999 Legearen 10. artikuluan xedatutakoa hautsiz garraiatzea.
- Agintari eskudunek edo horien agenteek eskatutako datuak nahiz informazioa ez ematea, 50/1999 Legean ezarritako eginkizunak bete ahal izateko, edo, informazio zehaztugabea edo agiri faltsuak ematea.

3. Arau-hauste arinak aurreko puntuetan zehaztu ez diren inguruabarrak izango dira, baldin eta horiek abenduaren 23ko 50/1999 Legea hausten badute, eta, bereziki, hauek:

- Arriskutsuak izan daitezkeen animaliak bide edo gune publikoetan izatea eta horiek gidatu edo kontrolatzen dituen pertsonak udal-lizentziarik edo erregistroan inskribatuta dagoela adierazten duen egiaztagirik gabe egotea.
- Bide eta gune publikoetan pertsona bakoitzeko txakur arriskutsu bat baino gehiago egotea.
- Txakur arriskutsuak 2 metroko luzera baino gehiagoko lepokoaz edo uhalaz izatea bide eta gune publikoetan.
- Animalia arriskutsuak hartzen dituzten instalazioei begira ezarritako segurtasun-neurriak ez betetzea.
- Animalia osasun-ziurtagiria aldizka ez aurkeztea.

35. artikulua.—Zigorrak

Aurreko artikuluan aipatutako arau-hausteekin batera hurrengo isunak ezarriko dira:

- Arau-hauste arinak: 150,25 eta 300,51 euro bitartean.
- Arau-hauste larriak: 300,52 eta 2.404,05 euro bitartean.
- Arau-hauste oso larriak: 2.404,06 eta 15.025,30 euro bitartean.

36. artikulua.—Zigor osagarriak eta kautela-neurriak

1. 35. artikuluan jasotako arau-hausteei zigorren osagarriak ezarriko zaizkie, hala nola, animalia arriskutsuak konfiskatzea, esterilizatzea edo hiltzea, establezimendua ixtea eta animalia arriskutsuak edukitzeko lizentzia edota hezitzaile izateko gaitasun-ziurtagiria aldi baterako edo behin betiko etetea.

2. Arau-hausteen ondorioz delitua edo falta gertatu bada, agintari eskudunak animalia konfiskatu ahal izango du, agintari judizialak horri buruzko erabakia hartu arte. Hori egin ostean, egitateak berehala jurisdikzio-organo eskudunari helaraziko zaizkio.

3. Agintari eskudunak edozein animalia arriskutsu kautela moduan hartu eta bilketarako zentrora lekualdatuko du, baldin eta horren jabeak ekainaren 1eko 101/2004 Dekretuan jasotako neurriak betetzen ez baditu.

37. artikulua.—Zigortzeko eskumena

1. Eusko Jaurlaritzako Nekazaritza eta Arrantza Sailak heziketarako gaitasun-ziurtagiriarekin eta hezitzaileak prestatzeko ikastaroen homologazioarekin zerikusia duten arau-hausteen gaineko eskumena izango du.

2. Gainerako arau-hausteen gaineko eskumena alkatetza-udalburutzak izango du. Lurren eremua gainditzen bada, orduan, eskumena Eusko Jaurlaritzako Nekazaritza eta Arrantza Sailari dagokio.

3. ATALA

HONDAKINAK

38. artikulua.- Arau hausteak.

Apirilaren 21eko 10/1998 Legearen arabera ondoko hauek dira arau hauste administratibo arinak animaliei dagokienez:

- Txakurren gorotzak uztea bide eta plaza publikoetan, haurrentzako parkeetan eta lorategietan, bai eta, oro har, apaingarri edota pertsonen igarobide diren gunetan ere.

39. artikulua.- Zehapenak.

Aurreko artikuluan adierazitako arau hausteengatik isuna ezarriko da, gehienez ere 601,01 eurokoa.

40. artikulua.- Zehatzeko eskumena.

Alkate-lehendakariak du zehatzeko eskumena.

4. ATALA

OSASUN-ANTOLAMENDUA

41. artikulua.—Arau-haustek

Euskal Autonomia Erkidegoko Osasuna Antolatzeko ekainaren 26ko 8/1997 Legearen 36.2.b.1. artikulua hautsiko da eraso bat eragin duen animalia albaitari ofizial edo gaituaren behaketaren mende jartzeko udal agintariak ezarritako agindeia betetzen ez denean, bai eta hartutako bestelako kautela-neurriak betetzen ez direnean ere.

42. artikulua.—Zigorrak

Aurreko artikuluan ezarritako arau-hausteen kasuan, 3005,06 eta 15.025,30 euro bitarteko isunak ezarriko dira, eta horiek ekainaren 26ko 8/97 Legearen 37.1 artikuluan xedatutakoaren arabera mailakatuko dira.

43. artikulua.—Zigortzeko eskumena

Zigorrak ezartzeko organo eskuduna alkatetza-udalburutza izango da.

5. ATALA

OSASUN-ANTOLAMENDUA

44. artikulua.—Arau-haustek

Euskal Autonomia Erkidegoko Osasuna Antolatzeko ekainaren 26ko 8/1997 Legearen 36.2.b.1. artikulua hautsiko da eraso bat eragin duen animalia albaitari ofizial edo gaituaren behaketaren mende jartzeko udal agintariak ezarritako agindeia betetzen ez denean, bai eta hartutako bestelako kautela-neurriak betetzen ez direnean ere.

45. artikulua.—Zigorrak

Aurreko artikuluan ezarritako arau-hausteen kasuan, 3005,06 eta 15.025,30 euro bitarteko isunak ezarriko dira, eta horiek ekainaren 26ko 8/97 Legearen 37.1 artikuluan xedatutakoaren arabera mailakatuko dira.

46. artikulua.—Zigortzeko eskumena

Zigorrak ezartzeko organo eskuduna alkatetza-udalburutza izango da.

6. ATALA

ORDENANTZAREN ARAU-HAUSTEAK

47. artikulua.—Arau-haustek

Toki Araubidearen Oinarriak Arautzeko apirilaren 2ko 7/1985 Legearen XI. tituluaren babespean jasotako arau-haustek, tokiko gobernua modernizatzeko neurriei buruzko abenduaren 16ko 57/2003 Legearekin bat etorritz, hurrengoak dira:

a) Ordenantza honetan jasotako eginbeharrak, debekuak edo mugapenak betetzen ez badira, arloko arauketa zehatzean jasota ez daudenak, arau-hauste arina gertatuko da.

b) Udal zerbitzuei hiriko animalien kontrolarekin zerikusia duten jardueretan eragozpenak jartzen bazaizkie, arau-hauste arina izango da.

c) Bide publikoan hegaztiei, txakurrei, katuei eta gainerako kaleko animaliei janaria ematen bazaie, arau-hauste arina izango da.

d) Udal agintariak eskatutako animaliak edukitzeko ezaugarriekin zerikusia duen informazioa edo agiriak ematen ez badira edo horren esku jartzen ez bada, ordenantza honen 7. artikuluan ezarritakoari helduta, arau-hauste larria izango da.

48. artikulua.—Zigorrak

Aurreko artikuluan ezarritako arau-hausteen kasuan, isun hauek ezarriko dira:

— Arau-hauste oso larriak: gehienez, 3.000 euro.

— Arau-hauste larriak: gehienez, 1.500 euro.

— Arau-hauste arinak: gehienez, 750 euro.

49. artikulua.—Zigortzeko eskumena

Zigorrak ezartzeko organo eskuduna alkatetza-udalburutza izango da.

7. ATALA

ZIGOR-PROZEDURA

50. artikulua.—Prozedura

Titulu honetan araututako arau-hauste guztien zigor-prozedura Herri Administrazioen eta Administrazio Prozedura Erkidearen Araubide Juridikoari buruzko azaroaren 26ko 30/1992 Legean ezarritako zigor-prozeduraren printzipioetara egokituko da, eta, goiko ataletan zehaztutako xedapen bakoitzaren arabera, Euskal Autonomia Erkidegoko Herri Administrazioen zigor-ahalari buruzko otsailaren 0ko 2/1998 Legea edo zigor-ahala egikaritzeko Araudia onetsi duen abuztuaren 4ko 1398/1993 Errege Dekretua aplikatuko da.

51. artikulua.—Aldiberekotasuna zigor arloko prozedurarekin

Prozeduraren edozein unetan, instruktorearen ustez, berak bideratzen dituen egitateen artean zigor arloko arau-hausterik sortu bada, organo eskudunari horren berri emango dio, eta horrek instruktorearen iritzia arrazoizkotzat jotzen badu, egitate horiek Fiskaltzari komunikatuko dizkio, komunikazioari begira egin diren jarduketan lekukotza eskatuz.

Gisa berean, administrazio-prozeduran aztertutako egitateen gain zigor arloko prozedura hasi denean, Fiskaltzari horren inguruan egindako jarduketan komunikazioa egitea eskatuko zaio. Komunikazio bera eskatuko da zigor arloko prozesua administrazio-prozeduran aztertutako egitateen ondoriozko egitateen gain aplikatu denean.

Fiskaltzaren komunikazioa jaso ondoren, zigor-prozedura ebazteko eskumena duen organoak hori eteteko erabakia hartuko du, ebazpen judizial irmoa ematen ez den bitartean.

Hala ere, zigor-prozedura administratiboaren etendurak ez du eragozpenik jartzen hartutako kautela-neurriei begira, baldin eta horiek zigor arloko prozeduran hartutako neurriekin bat badatoz. Bestalde, kautela-neurri horiek ez dira bateragarriak izango, zigor arloko kautela-neurriak zigor-prozedura administratiboan erabakitako kautela-helburuak erdiesteko behar bestekoak direnean.

Kautela-neurri horiei eutsi edo horiek hartzeko egintza Fiskaltzari komunikatu beharko zaio.

Edozein kasutan ere, zigor-ebazpen judizial irmoaren bidez frogatutzat adierazitako egitateek administrazio-organoak lotzen dituzte, jorratutako zigor-prozedurei dagokienez.

Administrazioak zigor-ebazpen judizialaren bidez frogatutzat jotako egitateekin bat ez datozen administrazio-ebazpenak ofizioz berrikusiko ditu, berrikuspen-prozedurak ofizioz arautzeko arauari helduta.

52. artikulua.—AIEOri jakinaraztea.

Zigor-organo eskudunek AIEOri zigor-prozedura amaitzen duen ebazpenaren kopia igorriko diote.

XEDAPEN INDARGABETZAILEA

Indargabetu egingo dira honekin bat ez datozen ordenantzak, arauak edo udal bandoak.

AZKEN XEDAPENA

Ordenantza hau Bizkaiko Aldizkari Ofizialean argitaratu eta biharamunean jarriko da indarrean.

I. ERANSKINA

IDENTIFIKATU GABEKO ANIMALIA LAGATZEKO AGIRIA

Animaliak Babesteari buruzko urriaren 29ko 6/1993 Legearen 16. artikuluan eta Animaliak Eduki eta Babestea arautzen duen Udal Ordenantzaren 9. artikuluan ezarritakoaren arabera, pertsona honi lagako zaio, aldi baterako:

_____ jaun/andreari, _____ NAN zenbakia duenari.
_____ helbidea (Probintzia: _____; kalea: _____), telefono-zenbakia: _____, helbide elektronikoa: _____ duenari, _____ erregistro-zenbakia duen animalia edukitzea, ezaugarri hauekin: Arraza: _____ Kapa: _____ Kolorea: _____ Sexua: _____ Gaitasuna _____ Adina (gutxi gorabehera) _____ eta zentroaren sarrera-data hau duena _____, identifikaziorik izan gabe.

Behean sinatzen duenak animalia zaindu, eta, animaliarene jabe legitimoa dela frogatzen duen hirugarren pertsona bat agertzen denean, zentrori itzultzeko konpromisoa hartzen du.

Era berean, Animaliak Eduki eta Babesteari buruzko Udal Ordenantzaren 5-1 artikuluan eta ondorengoetan ezarritako kasuetan, zentrori identifikaziorako mikrotxipa jartzera (hilabeteko epean, animalia zentroan sartzen denetik zenbatuta) joateko edo mikrotxip hori beste zentro edota albaitari-klinika batean ezarri dela egiaztatzen duten agiriak aurkezteko konpromisoa hartzen du

. _____(e)n, ____ (e)ko _____aren _____(e)(a)n Irakurrita eta onartuta:
_____ (Animalia lagatzea onartzen duen pertsonaren sinadura)

II. ERANSKINA

ANIMALIAK ERASOA EGITEN DUENEAN BEHAKETA EGITEKO DERRIGORREZKOTASUNAREN JAKINARAZPENA

Animaliak Babesteari buruzko urriaren 29ko 6/1993 Legearen 11. artikuluan ezarritakoaren arabera, udalek, beste batzuen artean, gizon-emakumeei eraso egin dieten animaliak isolatu edota zentroan sartzeko agindua eman beharko dute, horiek behaketa-prozesuaren mende jar daitezten.

Gisa bertsuan, Animaliak Eduki eta Babestea Arautzen duen Udal Ordenantzaren 11. artikuluan ezarritakoaren arabera, lesioak eragin dituen animaliarene jabeak eta edukitzaileak bete beharreko prozedura zehazten da, bai eta zigorra ere, hori betetzen ez bada.

Aurrekoari jarraiki, hurrengo adierazten da:

Lehenengoa: _____ jaun/andreak, _____ NAN zenbakia, _____ helbidea, eta _____ telefono-zenbakia duenak, eraso eragin duen animaliarene jabea edota edukitzailea den aldetik, _____ identifikazio-zenbakia duena (halakoa duten animalien kasuan),

_____arrazakoa, 24 orduko epean berak aukeratutako albaitari ofizialaren edo gaituaren behaketa-prozesuaren mende jarri behar duela, hamalau eguneko epean. Behaketa hori amaitu ondoren, 48 orduko epean, Gauegiz Artegako Udaleko arduradunari albaitariaren ziurtagiria/txostena bidaliko dio.

Bigarrena: Jasotako informazioari buruzko argibideak edo informazio gehiago nahi izanez gero, Gauegiz Artegako arduradunarengana jo behar da. _____(e)n, ____ (e)ko _____aren _____(e)(a)n Irakurrita eta onartuta: _____ (Jabearen edo edukitzailearen sinadura)

III. ERANSKINA

TXAKUR HOZKARIEI BURUZ ALBAITARIAK EGINDAKO TXOSTENA

Albaitaria: _____ Elkargokide zk.:
_____ Helbidea: _____ Tf.: _____

Animaliaren datuak: Ziurtatu dut: Adierazitako animalia zaintzapean eta behaketaprozesuaren mende egon dela eta zoonosi-gaixotasuna eragin dezakeen sintomarik ez duela. Horrenbestez, zainketa eta behaketaldia amaitutzat jotzen ditut. Behaketaldiaren egunak: _____

Sinadura eta zigilua Tokia eta eguna